

廣東省地方史志辦公室輯

廣東歷代方志集成

廣州府部（四三）（民國）清遠縣志（一）

廣南美術出版社

廣東省地方史志辦公室輯

廣東歷代方志集成

廣州府部〔四三〕

嶺南美術出版社

〔民國〕清遠縣志（一）

目錄

(一)

卷一

序 吳鳳聲序 余榮謀序 朱汝珍序

一

目錄

一三

職員表

一七

釋例

二一

圖經

五九

沿革表

六五

卷二

縣紀年上

一〇三

卷三

縣紀年下

二三一

卷四

輿地 晷度 氣候 形勢 疆域 關隘

城市 坊鄉 民族 風俗 方言 三七三

卷五

山水 山水 五〇三

(二)

卷六

人物上 先達 先烈 六八九

卷七

人物中 封蔭 耆壽 列女 八二七

卷八

人物下 先政 釋老 僑寓 一〇一七

卷九

職官表 秩官 庶官 一一三七

廣東歷代方志集成

二

卷十	科舉表 制舉 薦辟 鄉貢 進士 舉人	
武舉 恩歲貢 拔副 優貢 庶職 民選		
畢業生 榮典	一二七五	
(三)		
卷十一	建置 城池 學宮 書院 廨署 市政	
交通	一三六九	
卷十二	經政 祀典 戶役 祿餉 田賦 鹽法	
榷稅 積貯 郵傳 軍警軍器附	一五〇九	
卷十三	民政 慈善 戶口 宗教 社倉 社會	
自治 選舉 黨務	一六九三	

卷十四	實業 土壤 土產物 土制物 職業狀況	
水利	一七八三	
卷十五	學校 學制 學堂 學校 學田 學產	一八五七
(四)		
卷十六	勝迹上 城址 廨署 亭臺樓閣	一九六七
卷十七	勝迹下 壇廟祠宇 寺觀 冢墓 坊表	二一〇一
卷十八	藝文 經史子集	二三四五
卷十九		

重修清遠縣志序

清字第五五四號

竊維四方有志昉自周官郡縣專書沿爲要典良由分星辨土地理每爲文化所基問俗觀風法律常因習慣而定上以供政府輶軒之采下以備鄉邦文獻之徵縣志一書由來重已惟大成必集自蔚宗斯實錄非同乎稗史起例發凡史遷實爲先祖拾遺補闕班固尤賴惠姬旁搜遠紹表彰風化之權人傑地靈促進文明之責沿襲變遷於焉以息發揚光大惟此是求所關非細故也清遠位居北江中游地爲中區大邑水綠山青名勝多有秦時漢代古跡猶存二禺峽峻艷傳十九洞天三嶺峰高奚啻萬人城廓衣冠文物之盛史不絕書物華天寶之區地多美麗商賈輻輳允稱富庶名邦紀載流傳寧無進化歷史查舊志創自有宋最後修於晚清迄今既六十有餘年矣人事代謝既成古今物理變遷幾多興革歷經提議重修卒以困難

清遠縣志

卷一

序

中止鳳聲承乏斯邑瞬越兩週製錦無才崇文有願修明志乘視爲縣政要圖編撰重新所賴羣賢畢至方喜名公起例宿著有年遂教墨客揮毫功成不日予觀其變通悉當非踵事而增華紀錄綦詳已旁徵而博採重民國之主權刪除訓典立交通與自治詳譜圖經易舊志前事爲紀年旣提綱而挈領採風俗方言於輿地原舍舊而謀新以先政統文武各官德政與軍功並重以列女易節孝舊日貞烈與才德同傳市政交通新政特詳於建置祠壇廟宇古跡移置於專條經政別乎民政地方事業原須以類相從實業獨創專門水利農工具見民生大計學校述古今教育狀況而黌宮翼翼咸知世界之尊崇古跡爲文明歷史特徵而文物寥寥不勝江河之感慨至其特書貪官污吏之名爲彈惡垂箴之計尤見微言大義特識宏規鳳聲學愧三長香殷一瓣筆削莫贊一詞有同游夏實錄得窺全豹如對

馬班值簡編藏事之秋爲梨棗安排之始短引恭疏深懼佛頭之着
糞長編出世應隨鑿齒以蜚聲吳鳳聲序於清遠縣政府時民國二
十四年正月一日

清遠縣志

卷一

序

二

清遠縣志

卷一

序

二

序二

榮謀自開平移任清遠三年矣始皇皇於水潦之振恤繼營營於師旅之供億勞來安集今獲少休纂修邑志幸亦觀成休養而進以文教固有司之責也攷清遠有志自宋建炎三年始嗣是四修於明而成書者二六修於清而成書者五由光緒以迄今茲將六十年前任吳君鳳聲設局重修延薦紳分門輯述而總纂朱太史聘三先生隱栖香島未至及初稟輟脫吳君屬有增城之行榮謀深懇固陋弗克負荷顧文獻散墜政教將無所取資遲者待罪開平嘗以是致虔於修志矣六月而就不愆於素今承代吳君圖其所未竟卽固陋其惡所逃責雖然方志史裁也修史難志亦匪易歐陽修習於史事劉原父猶議其少讀書王鏊爲姑蘇志開局寒山寺而楊循吉不至遂騰多口榮謀稽古及此不敢不慎念太史爲此邦祭酒蚤歲翱翔木天

清遠縣志

卷一

序

三

清遠縣志

卷一

序

三

恣讀中秘書凡政制沿革與地方利病皆其所夙究茲新志而不得其鑒訂將不免美猶有憾之慮再具禮聘並移志藁島上太史亦倦倦於桑梓之敬徵文攷獻斟酌損益而整齊之藁定士論翕然月日間捐集六千餘金爲剞劂之助斯役也有舊尹吳君之蕭規而榮謀得以曹隨有分修諸賢之草創而太史爲之潤色復賴邦人士樂任梓費於是累歲之經營幸觀成書於一旦所謂衆志成城則政無不舉顧不信歟蓋嘗會告有衆邑當南嶺之衝連峯急澗土磽而民瘁風氣阻閉人物鬱不得舒此昔賢所致憾者也然山川所鍾無終古不振之地運自晚清人才輩出巍科聿爲粵士冠近則文武獻身爲黨國效馳驅者不絕益以粵漢鐵道之告成縱貫邑境從此南馳北走瞬息四達其於文化之輸進物力之轉移必有日新月盛以爲志乘光者是在有司善帥之邦人士亦黽勉焉而已其君子咸奮興曰

子大夫有命吾屬敢不兢兢余於志書之成又樂士庶之易與爲善也遂並識之於簡端

中華民國二十六年三月高要余榮謀序於清遠縣政府

清遠縣志

卷一

序

四

清遠縣志

卷一

序

四

序三

嘗攷周官小史掌邦國之志其職與土均土訓誦訓諸職相聯蓋志者識也舉凡疆域山川政教風俗人文物產與夫災祥治亂皆當詳識於書

汝珍

居史館有年見各省府廳州縣莫不有志且莫不兢兢

於地圖地俗地事地物詳稽而備紀之凡以爲省方觀民布政之資也我清遠縣志創自有宋林公勳厥後屢有修輯最近者修於光緒初年距今已一周甲子矣庚申秋邑侯張公鑑藻嘗設局重修訪諸紳耆聘

汝珍

爲總纂維時

汝珍

方從事史宬未克肩任事遂中輟甲戌春梅縣吳公鳳聲來長是邦關心文獻剋期編輯仍以總纂一席

屬之

汝珍

至親勸爲之駕邑人士亦僉謂茲事體大匪異人任深維

桑梓敬恭之義曷敢固辭乃返里門與共討論竊見南番東順各縣新修之志均紀至宣統三年辛亥爲止擬援其例而邑人士一致議

清遠縣志

卷一

序

五

清遠縣志

卷一

序

五

決紀至今茲

汝珍

何人豈能強違衆意然自壯歲宦遊京國繼而旅

居海上於邑中近事非所詳知因鄭重聲明辛亥以後之記載請分

纂朱叔平君

雲章

白兆尼君

玉書

伍厚培君

元長

盧仲緯君

作經

任

之其中白君用功至勤任事至勇

汝珍

推其常川駐局專司起草卽

承慨許弗辭且極謙虛遇有疑難輒枉顧諮詢或馳書商榷閱一年

而凡例竣又閱二年而初稿成都凡十有六門曰沿革曰縣紀年曰

輿地曰山川曰人物曰職官曰科舉曰建置曰經政曰民政曰實業

曰學校曰勝跡曰藝文曰金石曰雜錄稿經叔平厚培仲緯諸君參

訂乃送

汝珍

覆勘白君兼收博採不厭求詳較舊志約增三倍

汝珍

刪繁汰侈不惜割愛仍增兩倍有奇時則高要余公榮謀繼任邑侯
因將全稿送呈鑒定余公曩宰開平嘗手定義例修成開平縣志爲
世稱許辱承指示復有所修改乃成此書昔江淹有言修史之難無

出於志竊謂州縣之志殆尤難焉地狹則才乏期促則慮疏識見易囿於偏隅紀載每違乎事實甚或挾私誣罔肆意鋪張筆削躬操妄爲褒貶或逞其門戶之見或騁其誕妄之談他如義例不謹嚴則首尾衡決文辭不核實則兩端模稜或訛謬相沿詳畧失體章實齋論修志有五難八忌政謂此爾此書於舊志訂正者十之二三增補者十之五六上述諸弊已兢兢戒之然脫稿匆匆深恐仍多譌闕後之君子踵而修之匡其不逮有厚望焉歲次強圉赤奮若寤月里人朱汝珍謹序

清遠縣志

卷一

序

六